

Այդ զեկուցումից պարզւեց, որ Բրեստ-Լիտովսկի դաշնագրի ճանաչման յայտարարութիւնից յետոյ Բաթումի ճակատում, մարտ 29-ին, կնքւել էր զինադադար, որից յետոյ Բաթումի բերդապետի մօտ եկել էր թիւրք առաջապահ զօրամասի կողմից մի սպայ և պահանջել՝ մինչև մարտ 31-ի կէսօրը, քաղաքը յանձնել թիւրքերին՝ հակառակ պարագային սպառնալով դրաւել զէնքի ուժով: Եւ որովհետեւ բերդապետը պատասխանել էր, թէ առանց կառավարութեան հրամանի չի կարող կատարել ներկայացւած պահանջը, իսկ կառավարութիւնն էլ բերդապետի հեռագիրը ստացել էր միայն մարտ 31-ի ժամը 11-ին, Բաթումի ճակատում վերսկսւել էին կռիւները, և թիւրքերը շարժւել էին Բաթումի վրա:

Տալով այս տեղեկութիւնները՝ վարչապետ Գեղեշկորին յայտարարեց, որ կառավարութիւնը չի կարող կատարել թիւրքերի պահանջը. «Կառավարութիւնը կարծում է, որ անդրկովկասեան դեմոկրատիայի ազատատենչ ոգին տակաւին մարած չէ, որ դեռ «չոր է վառօդը վառօդամանում» և որ թէև մենք թոյլ ենք, բայց դեռ այնքան թոյլ չենք, որ դառնանք ստրուկ. (Ձայներ՝ «ճիշտ է», ծափեր): Ուստի և կարծում ենք, որ Բրեստ-Լիտովսկի դաշնագրին ընդունելը պիտի նշանակէր, որ Անդրկովկասը, իբրև անկախ հանրապետութիւն, դադարի գոյութիւն ունենալուց և պիտի դառնայ թիւրքական Կայսրութեան մէկ նահանգ (ձայներ՝ «ճիշտ է», «ճիշտ է»): Ես կարծում եմ, որ այն կառավարութիւնը, որ վայելում է անդրկովկասեան դեմոկրատիայի իրաւատէր ներկայացուցչութիւնը հանդիսացող Սէյմի վստահութիւնը, չի կարող ընդունել այդպիսի խայտառակութիւն. (Ձայներ՝ «ճիշտ է». ծափեր): Ես պէտք է ասեմ, որ կառավարութիւնը ձեռք կառնէ բոլոր միջոցները, կը թափէ ամէն ճիգ, կը հաւաքէ բոլոր ուժերն ու բոլանդակ զօրութիւնը, որ տայ արժանաւոր հակահարած այն բռնատենչ յաւակնութեան, որ զայլիս է թիւրք կառավարութեան կողմից. (Ձայներ՝ «ճիշտ է». ծափեր):

Կառավարութեան ռազմաչունչ յայտարարութիւնները ջերմ արձագանգ դտան Սէյմի դահլիճում: Գեղեշկորից յետոյ, յանուն սոցիալ-դեմոկրատական Փրակցիայի, մի ռազմաչունչ ճառ էլ խօսեց Ծերեթեւին. նա ևս հրաւէր կարդաց դիմադրութեան, կուռի «թիւրքական իմպերիալիզմի» դէմ. «Բրեստ-Լիտովսկում թելադրեց յեղափոխական Ռուսաստանի մահաւճիւրը, և այդ մահաւճիւրը մենք չենք ստորագրի մեր հայրենիքի համար. (բուռն, երկարատև ծափեր): «Թիւրքիան ուզում է խեղդել անդրկովկասեան դեմոկրատիան: Եւ ահա հասնում է ժամը, երբ մենք զէնքով պէտք է պաշտպանենք անդրկովկասեան ժողովուրդների ազատ զարգացումն ու գոյութիւնը»: Եւ «մենք համոզւած ենք, որ այդ կուռում մենք կարող ենք յաղթել միայն այն ժամանակ, եթէ թիկունքից չլինեն դաւադիր հարւածներ. (երկարատև ծափեր):»:

Ակնարկը պարզ էր. թիկունքից «դաւադիր հարւածը» կարող էր դառնալ միայն կովկասեան մահմետականներից: Եւ Մուսաւաթի ներկայացուցիչը վերջրեց Ծերեթեւինի նետած ձեռնոցը: «Պատերազմի հարցում, ասաց նա, դուք ինքներդ էլ լաւ գիտէք, մահմետական դեմոկրատիայի դիրքը բացառիկ է՝ նախ, որովհետև մինչև այժմ նա զինւորական պարտականութիւններ չի կատարել, երկրորդ՝ ի հետեւանս թիւրքիայի հետ ունեցած կրօնական կապի, որը թոյլ չի տալիս նրան դործօն մասնակցութիւն ունենալ թիւրքիայի դէմ վարող պատերազմական դործողութիւններին: Այս խնդրի վրա էլ մենք